

**“O‘zbekgeofizika” AJda
korruptsiyaviy xavf-xatarlarni baholash
USLUBIYOTI**

Mazkur Uslubiyot O‘zbekiston Respublikasi Prezidentining 2022 yil 11 maydagi PQ-240-son “Davlat boshqaruvi sohasida korruptsiyaviy xavf-xatarlarni bartaraf etish mexanizmlarini takomillashtirish va ushbu sohada jamoatchilik ishtirokini kengaytirish chora-tadbirlari to‘g‘risida”gi Qarori hamda O‘zbekiston Respublikasi Korruptsiyaga qarshi kurashish Agentligi va Adliya vazirligining 2022 yil 31 avgustdagi 3383-sonli Qarori talablari asosida ishlab chiqilib, “O‘zbekgeofizika” AJ (bundan buyon matnda – Jamiyat deb yuritiladi) faoliyatida korruptsiyaviy xavf-xatarlarni aniqlash va baholash tartibini belgilaydi.

1-bob. Umumiy qoidalar

1. “O‘zbekgeofizika” AJning faoliyatidagi korruptsiyaviy xavf-xatarlarni aniqlash va baholashning maqsadlari quyidagilardan iborat:

Jamiyatning korruptsiyaviy xavf-xatarga eng ko‘p duch keladigan vazifa va funksiyalarini aniqlash hamda korruptsiyaviy xavf-xatar yuqori bo‘lgan lavozimlar ro‘yxatini shakllantirish;

korruptsiyaviy xavf-xatarlarni bartaraf etish bo‘yicha chora-tadbirlarni ishlab chiqish.

2. Korruptsiyaviy xavf-xatarlarni aniqlash va baholash quyidagilar ishlab chiqilishini nazarda tutadi:

korruptsiyaviy xavf-xatarlar xaritasi;

korruptsiyaga qarshi kurashish bo‘yicha dastur;

korruptsiyaviy xavf-xatar yuqori bo‘lgan lavozimlar ro‘yxati;

korruptsiyaga moyil bo‘lgan munosabatlar elektron reestri.

3. Ushbu Uslubiyotda quyidagi asosiy tushunchalar qo‘llaniladi:

korruptsiyaviy xavf-xatar — shaxsning o‘z mansab yoki xizmat mavqeidan shaxsiy manfaatlarini yoxud o‘zga shaxslarning manfaatlarini ko‘zlab moddiy yoki nomoddiy naf olish maqsadida qonunga xilof ravishda mavjud sabab va sharoitlarda korruptsiyaviy xatti-harakatlarni sodir etish ehtimoli;

korruptsiyaviy xavf-xatarlar xaritasi - “O‘zbekgeofizika” AJ faoliyatida amalga oshiriladigan vazifa va funksiyalar (jarayonlar) bilan bog‘liq yuzaga kelishi mumkin bo‘lgan korruptsiyaviy xavf-xatarning tavsifi va darajasi, funksiyalarni (jarayonlarni) tartibga soluvchi mexanizmlar, funksiyalarni (jarayonlarni) amalga oshirishga mas’ul bo‘lgan lavozim, korruptsiyaviy xavf-xatarlarni bartaraf etish choralari, qoldiq

korruptsiyaviy xavf-xatar darajasi, korruptsiyaviy xavf-xatarni bartaraf etish choralarini amalga oshirishga mas'ul ijrochilarni o'z ichiga olgan hujjat;

korruptsiyaga oid huquqbuzarlik - korruptsiya alomatlariga ega bo'lgan, sodir etilganligi uchun qonunchilikda javobgarlik nazarda tutilgan qilmish;

korruptsiyaviy xavf-xatarlarni baholash - "O'zbekgeofizika" AJ ning faoliyatini (vazifa va funksiyalarini) tahlil qilish, mavjud korruptsiyaviy xavf-xatarlarni aniqlash va ushbu xavf-xatarlar darajasini baholash bo'yicha faoliyat;

goldiq xavf-xatar - aniqlangan korruptsiyaviy xavf-xatarni bartaraf etish yuzasidan belgilangan choradan keyin saqlanib qoladigan xavf-xatar;

maxsus bo'linma - "O'zbekgeofizika" AJning "Korruptsiyaga qarshi ichki nazorat bo'limi bo'limi (bundan buyon matnda – Ichki nazorat bo'limi deb yuritiladi);

4. "O'zbekgeofizika" AJda korruptsiyaviy xavf-xatarlarni baholash har yili 1 marta qadar amalga oshiriladi.

5. O'zbekiston Respublikasi Korruptsiyaga qarshi kurashish agentligi (bundan buyon matnda - Agentlik deb yuritiladi) va Tog'-kon va geologiya Vazirligi Ichki nazorat Boshqarmasi tomonidan (bundan buyon matnda – Vazirlik ichki nazorat tuzilmasi deb yuritiladi) "O'zbekgeofizika" AJning korruptsiyaviy xavf-xatarlarni baholash va bartaraf etish borasidagi faoliyatini takomillashtirish, ushbu yo'nalishda kamchiliklarning oldini olish bo'yicha ko'rsatmalar berilishi mumkin.

2-bob. Korruptsiyaviy xavf-xatarlarni aniqlash va baholashni tashkil etish

6. Korruptsiyaviy xavf-xatarlarni aniqlash va baholash "O'zbekgeofizika" AJning ijro apparati va tarkibiy bo'linmalarini qamrab olishi lozim.

Bunda, korruptsiyaviy xavf-xatarlarni aniqlash va baholash Ichki nazorat bo'limi tomonidan amalga oshiriladi.

7. Korruptsiyaviy xavf-xatarlarni aniqlash va baholashda "O'zbekgeofizika" AJning Ichki nazorat bo'limi tomonidan quyidagi vazifalar amalga oshiriladi:

korruptsiyaviy xavf-xatarlarni aniqlash va baholash bo'yicha ishlarni tashkil etish va muvofiqlashtirish;

Jamiyatning korruptsiyaviy xavf-xatarlar xaritasini ishlab chiqish;

Jamiyatning korruptsiyaga qarshi kurashish bo'yicha dastur loyihasini ishlab chiqish;

Agentlik va jamoatchilik tomonidan berilgan takliflar asosida "O'zbekgeofizika" AJning korruptsiyaviy xavf-xatarlar xaritasini va korruptsiyaga qarshi kurashish bo'yicha dastur loyihasini takomillashtirish.

3-bob. Korruptsiyaviy xavf-xatarlarni aniqlash va baholash tartibi

8. Korruptsiyaga qarshi ichki nazorat bo'limi tomonidan "O'zbekgeofizika" AJ faoliyatining (vazifa va funksiyalarining) tavsifi ushbu Uslubiyotning 1- ilovasiga muvofiq shaklda tuziladi.

9. “O‘zbekgeofizika” AJ faoliyatidagi (vazifa va funksiyalardagi) korrupsiyaviy xavf-xatarlar ichki va tashqi axborot manbalari asosida aniqlanadi.

10. Ichki axborot manbalari quyidagilardan iborat:

“O‘zbekgeofizika” AJ faoliyatining (vazifa va funksiyalarining) huquqiy asosi; ichki tekshiruv materiallari, shu jumladan xizmat tekshiruvi materiallari;

odob-axloq komissiyasi majlislarining yig‘ilish bayonnomalari;

korrupsiyaga qarshi kurashish ishlarining monitoring natijalari;

ichki nazorat bo‘limi (ishchi guruh) tomonidan davlat tashkiloti faoliyati (vazifa va funksiyalari) yuzasidan o‘tkazilgan so‘rovnomalar, shu jumladan sotsiologik tadqiqotlar natijalari va boshqalar.

11. Tashqi axborot manbalari quyidagilardan iborat:

“O‘zbekgeofizika” AJ faoliyati to‘g‘risidagi huquqbuzarliklar to‘g‘risidagi murojaatlar (xabarlar) va statistik ma‘lumotlar;

Agentlik yoki boshqa tashkilotlar tomonidan “O‘zbekgeofizika” AJ faoliyati (vazifa va funksiyalari) yuzasidan o‘tkazilgan so‘rovnomalar, shu jumladan sotsiologik tadqiqotlar natijalari;

huquqni muhofaza qiluvchi organlar tomonidan taqdim etilgan materiallar va boshqalar.

12. Korrupsiyaga qarshi ichki nazorat bo‘limi “O‘zbekgeofizika” AJ faoliyatidagi (vazifa va funksiyalaridagi) korrupsiyaviy xavf-xatarlarni aniqlashda quyidagi holatlar tahlil qilinishi lozim:

“O‘zbekgeofizika” AJning xodimi tomonidan sodir etilgan korrupsiyaga oid huquqbuzarlik;

“O‘zbekgeofizika” AJ tomonidan faoliyatini (vazifa va funksiyalarini) amalga oshirishda jismoniy va yuridik shaxslar uchun sun‘iy to‘siqlarning mavjudligi;

o‘z vaqtida qaror qabul qilmaslik, asossiz tezkor tartibda qaror qabul qilish;

hujjatlar, elektron ma‘lumotlar bazalariga bila turib yolg‘on ma‘lumotlarning kiritilishi;

xizmat vakolatlarini amalga oshirishda manfaatlar to‘qnashuvi;

vakolatlarni amalga oshirishda mahalliychilik, homiylik, urug‘-aymoqchilik kabi holatlarning mavjudligi.

13. “O‘zbekgeofizika” AJ faoliyatidagi (vazifa va funksiyalaridagi) korrupsiyaviy xavf-xatarlarning darajasi quyidagi o‘lchovlarda baholanadi:

past

o‘rta;

yuqori.

14. Korrupsiyaga qarshi ichki nazorat bo‘limi tomonidan korrupsiyaviy xavf-xatar darajasiga baho berish mazkur Uslubiyotning 2-ilovasidagi mezonlar asosida amalga oshiriladi.

4-bob. Korrupsiyaviy xavf-xatarlarning darajasini bartaraf etish choralari

15. Korrupsiyaviy xavf-xatarlarni bartaraf etish choralari quyidagi shakllarda amalga oshirilishi mumkin:

normativ-huquqiy hujjatlar hamda ichki idoraviy hujjatlar loyihalarini ishlab chiqish;

inson omilini qisqartirish va Jamiyat faoliyatini (vazifa va funksiyalarini) raqamlashtirish, shaffoflikni ta‘minlash, jamoatchilik nazoratini yo‘lga qo‘yish;

“O‘zbekgeofizika” AJ faoliyatini (vazifa va funksiyalarini) tartibga solish choralari ko‘rish;

“O‘zbekgeofizika” AJ xodimlari va jismoniy shaxslar o‘rtasida to‘g‘ridan-to‘g‘ri aloqani maksimal darajada cheklash;

rasmiy veb-sayt va boshqa ommaviy axborot vositalarida “O‘zbekgeofizika” AJ tomonidan amalga oshirilayotgan davlat xaridlari to‘g‘risidagi ma’lumotlarni joylashtirish va tarqatish;

davlat xizmatlarini ko‘rsatish jarayonini soddalashtirish, asossiz cheklovlarni, ortiqcha ma’muriy tartib-taomillarni bekor qilish, byurokratik tartibga solish mexanizmlarini yo‘q qilish, taqdim etilgan hujjatlar soni va qaror qabul qilish muddatlarini qisqartirish (mavjud bo‘lsa);

“O‘zbekgeofizika” AJ tomonidan korrupsiyaga qarshi kurashishga qaratilgan tushuntirish ishlarini amalga oshirish, profilaktik suhbatlar o‘tkazish, ishonch telefonlari va aloqa kanallarida targ‘ibot ishlarini amalga oshirish;

xodimlarning korrupsiyaga qarshi kurashish va manfaatlar to‘qnashuvini boshqarish bo‘yicha ichki hujjatlarga har kuni, o‘zaro va to‘liq rioya qilishlarini nazorat qilish.

“O‘zbekgeofizika” AJ korrupsiyaviy xavf-xatarlarni bartaraf etish bo‘yicha qonunchilik hujjatlariga zid bo‘lmagan boshqa chora-tadbirlarni ham amalga oshirishi mumkin.

16. Korrupsiyaviy xavf-xatarlarni bartaraf etish bo‘yicha mazkur Uslubiyotning 14-bandida belgilangan choralardan kelib chiqib, qoldiq xavf-xatar darajasini baholash mazkur Uslubiyotning 2-ilovasidagi mezonlar asosida amalga oshiriladi.

17. Korrupsiyaga qarshi ichki nazorat bo‘limi tomonidan mazkur Uslubiyotning 3-ilovasiga muvofiq shaklda “O‘zbekgeofizika” AJ korrupsiyaviy xavf-xatarlar xaritasi loyihasi ishlab chiqiladi.

18. Korrupsiyaga qarshi ichki nazorat bo‘limi tomonidan “O‘zbekgeofizika” AJning tarkibiy bo‘linmalari bo‘yicha ushbu Uslubiyotning 3-ilovasiga muvofiq shaklda korrupsiyaviy xavf-xatarlar xarita loyihalari va mazkur Uslubiyotning 4-ilovasiga muvofiq shaklda korrupsiyaga qarshi kurashish bo‘yicha dastur loyihalari ishlab chiqiladi.

19. “O‘zbekgeofizika” AJ Korrupsiyaga qarshi ichki nazorat bo‘limi Jamiyat faoliyatidagi (vazifa va funksiyalaridagi) korrupsiyaviy xavf-xatarlarni aniqlash va baholash natijalari asosida Jamiyatning umumlashtirilgan korrupsiyaviy xavf-xatarlar xaritasi ishlab chiqiladi va «E-anticor.uz» elektron platformasiga har yili **1 fevralga** qadar kiritadi.

20. “O‘zbekgeofizika” AJ Korrupsiyaga qarshi ichki nazorat bo‘limi tomonidan «E-anticor.uz» elektron platformasida joylashtirilgan korrupsiyaviy xavf-xatarlar xaritasiga asosan avtomatik ravishda quyidagi hujjatlar shakllantiriladi:

“O‘zbekgeofizika” AJning korrupsiyaga qarshi kurashish bo‘yicha dasturi;

“O‘zbekgeofizika” AJning korrupsiyaviy xavf-xatari yuqori bo‘lgan lavozimlari ro‘yxati.

5-bob. Korrupsiyaga moyil bo‘lgan munosabatlar elektron reestrini shakllantirish va yuritish tartibi

21. Agentlik tomonidan «E-anticor.uz» elektron platformasida joylashtirilgan “O‘zbekgeofizika” AJning korrupsiyaviy xavf-xatarlar xaritasi loyihalari asosida avtomatik ravishda korrupsiyaga moyil bo‘lgan munosabatlar elektron reestri shakllantiriladi.

22. Korrupsiyaga moyil bo‘lgan munosabatlar elektron reestri loyihasi Agentlik tomonidan jamoatchilik muhokamasidan o‘tkazish uchun o‘n besh kundan kam bo‘lmagan muddatga «Eanticor. uz» veb-saytiga joylashtiriladi.

23. Agentlik jamoatchilik muhokamasi natijalari bo‘yicha umumlashtirilgan takliflarni muhokama yakunlangan kundan boshlab o‘n kun ichida «E-anticor.uz» elektron platformasi “O‘zbekgeofizika” AJga yuboradi.

24. “O‘zbekgeofizika” AJ Korrupsiyaga qarshi ichki nazorat bo‘limi Agentlik va jamoatchilik tomonidan berilgan takliflar asosida Jamiyatning korrupsiyaviy xavf-xatarlar xaritasi hamda korrupsiyaga qarshi kurashish bo‘yicha dasturi loyihalarini takomillashtiradi.

25. “O‘zbekgeofizika” AJ Boshqaruv Raisi har yili 1 martga qadar korrupsiyaviy xavf-xatarlar xaritasi hamda korrupsiyaga qarshi kurashish bo‘yicha dasturini «E-anticor.uz» elektron platformasi orqali tasdiqlaydi.

6-bob. Yakuniy qoidalar

28. Mazkur Uslubiyot talablari buzilishida aybdor bo‘lgan shaxslar qonunchilik hujjatlarida belgilangan tartibda javobgar bo‘ladi.

“O‘zbekgeofizika” AJ
faoliyatida korrupsiyaviy xavf-
xatarlarni aniqlash va baholash
uslubiyotiga
1-Ilova

“O‘zbekgeofizika” AJ faoliyatining (vazifa va funksiyalarining) TAVSIFI

[illegible]

“O‘zbekgeofizika” AJning korrupsiyaviy xavf-xatarlar darajasiga baho berish bo‘yicha MEZONLAR

Korrupsiyaviy xavf- xatar darajasi	Mezonlar
Yuqori*	Jamiyatning faoliyati (vazifa va funksiyasi) avtomatlashtirilmagan
	Jamiyat faoliyati (vazifa va funksiyasi) tartibga solinmagan
	nazoratsiz tartibda ish joyida jismoniy yoki yuridik shaxslar bilan to‘g‘ridan-to‘g‘ri aloqa qilish imkoniyati mavjud
	Jamiyat faoliyati (vazifa va funksiya) doirasida qarorni loyihasini tayyorlashda, ko‘rib chiqishda va qabul qilishda bir shaxs ishtirok etishi
	Jamiyat faoliyatini (vazifa va funksiyani) bajarishda korrupsiyaviy xatti-harakat sodir etilgan (jinoyat sodir etilganligi sud tomonidan tasdiqlangan)
O‘rta*	Jamiyat faoliyati (vazifa va funksiyasi) qisman avtomatlashtirilgan
	Jamiyat faoliyati (vazifa va funksiyasi) qisman tartibga solingan
	nazorat tartibida ish joyida jismoniy yoki yuridik shaxslar bilan to‘g‘ridan-to‘g‘ri aloqa qilish imkoniyati mavjud
	Jamiyat faoliyatini (vazifa va funksiyani) doirasida qarorni loyihasini tayyorlashda, ko‘rib chiqishda va qabul qilishda ikkita shaxs ishtirok etishi
	Jamiyat faoliyati (vazifa va funksiyasi) bajarishda korrupsiyaviy xatti-harakat sodir etilganligi to‘g‘risidagi ma’lumot mavjud (jinoyat sodir etilganligi sud tomonidan tasdiqlanmagan)
Past**	Jamiyat faoliyati (vazifa va funksiyasi) to‘liq avtomatlashtirilgan
	Jamiyat faoliyati (vazifa va funksiyasi) to‘liq tartibga solingan
	jismoniy yoki yuridik shaxslar bilan to‘g‘ridan-to‘g‘ri aloqa qilish imkoniyati mavjud emas
	Jamiyat faoliyati (vazifa va funksiyasi) doirasida qarorni loyihasini tayyorlashda, ko‘rib chiqishda va qabul qilishda uch va undan ortiq shaxs ishtirok etishi
	korrupsiyaviy xatti-harakat va korrupsiyaviy xatti-harakat sodir etilganligi to‘g‘risidagi ma’lumot mavjud emas

*Maxsus bo‘linma (ishchi guruh) tomonidan Jamiyat faoliyatida (vazifa va funksiyasida) aniqlangan xavf-xatarning yuqori yoki o‘rta darajada deb baholash Jamiyat boshqaruv raisi bilan kelishgan holda amalga oshiriladi.

**Jamiyat faoliyatida (vazifa va funksiyasida) aniqlangan korrupsiyaviy xavf-xatar darajasini baholashda, agarda past darajadagi mezonlarning biri mavjud bo‘lsa, o‘sha korrupsiyaviy xavf-xatar darajasi past darajada deb baholanadi.

**“O‘zbekgeofizika” AJ
faoliyatida korrupsiyaviy xavf-
xatarlarni aniqlash va baholash
uslubiyotiga
3-Ilova**

“O‘zbekgeofizika” AJ faoliyatidagi korrupsiyaviy xavf-xatarlar XARITASI

T/r	Korrupsiyaviy xavf-xatarning tavsifi	Korrupsiyaviy xavf-xatarning darajasi (past, oʻrta, yuqori)	Funksiyalarni (jarayonlarni) amalga oshirishga masʼul boʻlgan lavozim	Funksiyalarni (jarayonlarni) tartibga soluvchi mexanizm	Korrupsiyaviy xavf-xatarlarni bartaraf etish choralari	Qoldiq korrupsiyaviy xavf-xatar darajasi (past, oʻrta, yuqori)	Masʼul ijrochilar
	1. “Oʻzbekgeofizika” AJ						
1.	1. Jamiyat funksiyasi nomi						
	1. Funksiyaga oid munosabat nomi						
	1. Jarayon nomi						
	2. Jarayon nomi						
	2. Tarkibiy boʻlinmaning nomi						
2.	1. Tarkibiy boʻlinma funksiyasi nomi						
	1. Funksiyaga oid munosabat nomi						
	1. Jarayon nomi						
	1. Jarayon nomi						

“O‘zbekgeofizika” AJ
faoliyatida korrupsiyaviy xavf-
xatarlarni aniqlash va baholash
uslubiyotiga
4-Ilova

**“O‘zbekgeofizika” AJning korrupsiyaga qarshi kurashish
DASTURI**

T/r	Korrupsiyaviy xavf-xatarlarni bartaraf etish chora-tadbirlari	Amalga oshirish mexanizmi	Ijro muddati	Ijro uchun mas’ullar